

ROMUDEENŌ

Baade píngi né durunkεrimε 1:1-3:20

Lán Luda è tó yā bɔ́nyo nna nà 3:21-4:25

Kuuna gbě dufunɔ ũ Kirisi guu 5:1-8:39

Yā kè Ludaa e wetεε Isarailinɔ musu 9:1-11:36

Yesudeenɔ yākεna 12:1-15:13

Pɔlu ikpammana 15:14-16:27

Pɔlu ikpana Romudeenɔ

¹ Mamɔma Pɔlu, Kirisi Yesu zòbleri, Luda ma sisi à ma diε a z̄iri ũ, baaru nnaa

² kè à gĩake à à lé gbè a annabinɔne aɔɔ kè à yān kpàri ũ.

³⁻⁴ À Né Yesu Kirisi wa Dii yān baaru nnaa pì ũ. À gběnteekεε guu à bò Dauda borii guumε. À ludaninikεε guu à fεεna gaan òdɔawe kɔn gbāaaò kè Luda Nén à ũ.

⁵ Kirisi ma gba zé màgɔ de a z̄iri ũ bori píngine, le aɔ e wà à náane ke aɔ gɔ à yāmarinɔ ũ le à tó bɔ.

⁶ Á kú gbě kè Yesu Kirisi n sísí à n sέnɔ té se.

⁷ Ma takada kèkii kèare, a Romudee kè Ludaa yeazi à a sisi a gɔ à gbēnɔ ũ píngi. Luda wa De kɔn Dii Yesu Kirisio gběkeε keare à a gba aafia.

⁸ Káaku gĩa ma Luda sáabu kè Yesu Kirisi gāzĩ a píngi yā musu, kè a ludanaanekεna dà andunala píngi yānzi.

⁹ Tó mée adua keε gurɔ píngi, a yā è sāmaguro. Ludan ma sèedadee ũ. Àpin mée dɔɔzi kɔn nòsεo do mée à Né yā baaru kpaá.

10 Mèègõ wée kea à zé kekeme lán à yezi nà, le mà e mà mó a gwa sa.

11 Ma wéesialena nii e ma dee maamaa, le mà e mà Luda Nini gba ke daagu a kāsāpēena yānzi,

12 le a ludanaanekena kōn ma pōo e à wa baade gba swè.

13 Ma gbēnō, má yezi àgõ dō kè mèègõ gurōo diee gèn baaagõ mà mó a gwa, le mà a zīi gbè e a té lán má è bori pāndenō té nà, mōde ai tia méé zé ero.

14 Girikiyāmarinō kōn Girikiyāmarisaideenō n pīngi, dōrinō kōn dōrisaideenō n pīngi, n yā gō ma yā ũ.

15 Beee yānzi ma mè wā mà baaru nnaa pì kpá a Romudeenōne se.

16 Mèè wí de kōn baaru nnaa pì yāoro, àmbe gbāaa kè Luda è gbē kè aōe à náane keenō mì sío ũ, atēnsa Yudanō, n gbera bori pāndenō.

17 Baaru nnaa pì è owe lán Luda è tó yā bōnyo nna nà. À de ludanaanekena yā ũ adome, lán wà kè Luda yān nà wà bè: Gbē kè Ludaa tò yā bōo nna à náane kè èe kee yānzi égõ kuu.

Gbēnteenō né taarideenōme Luda kiia

18 Zaa musu Luda è a pōfē pita gbēntee kè n zaakena è zé zō yāpuraanēnōa n pākpazina kōn n zaakenao yānzi.

19 Yā kè weé fō wà dō Luda yā musu utenañero, Luda bé à yā pì bōñne gupuraaa.

20 Zaa gurōo kè à anduna kàe, à gbāaa kè è yāaro kōn à ludakee kè wè e kōn wéeroo bō gupuraaa à zīinō guu wásawasa. Beee yānzi gbēnteenō agbaak-pana vīro.

21 AõŃ Luda dõ, mɔde aõè bèè líne a zéa wà à sáabu kpáro. Ní laasuunɔ kè pã, ben aõ gõ gusiaan ní mìsai yãnzì.

22 Aõ ní zĩnda dìe òndõrinɔ ũ, ben aõ gõ mìsaideenɔ ũ.

23 Aõè dɔnzì ke gbẽntee kè aõè gaanɔ kɔn bãanɔ kɔn nòbɔnɔ kɔn pótãa'onkuseanɔ takanɛ Luda kè è garoo gẽe ũ.

24 Àmbe à tò Luda ní kpá gbãsíkenazi, le aõ wísaiyã ke kɔo, lán aõè à ni de ní nòse guu nà.

25 Aõ Luda yãpuradee lendee kpà kɔn egɛe. Aõè dɔnzì ke Luda pókɛnanɔne wà dɔnzi Luda kè pó píngi kè gẽe ũ. Aubarikadeen à ũ guro píngi! Aami.

26 Beee yãnzì Luda ní kpá wísaiyã nidɛnaa. Baa ní nɔgbẽnɔ yã kè wè keɛ lendee kpà kɔn yã kè wè wè keɔo.

27 Lemɛ se gõgbẽnɔ yã kè wè ke kɔn nɔgbẽnɔ tò, aõè lugakõzi. Gõgbẽ kɔn gõgbẽo è wísaiyã ke kɔo aõè à gbè e ní zĩndaa ní sãsãna lén.

28 Zaake aõe we wà zè kɔn Luda dõnaoro, ben à ní laasuu kè lekpeɛ, le aõ yã kè de wà keɔonɔ ke.

29 Yã zaa píngi pèkõrɛmã: Nòse pásì, wéekaka, kɛna kɔo ìi, nòsegõaanɔ, gbẽdɛna, swèe, gbẽblena kɔn mɔnafikikɛnao. Kɔmɔɔdeenɔn ní ũ,

30 gbẽyakarinɔ, Luda ibɛenɔ, gbẽ takiikerinɔ, yèkõdeenɔ, ìadãrinɔ, zaa laasuulɛrinɔ, de kɔn dao yãmarisaideenɔ,

31 mìsaideenɔ, náanesaideenɔ, gbẽyãkerisaideenɔ, sósobisaideenɔ.

32 AõŃ dõ kè Ludaa dìe kè yã beee taka kèrinɔ kà wà ní dede, mɔde aõè ze kɔn à kenanɔ adoro, aõè té ká à kèrinɔmmɛ dɔ.

2

Luda é yákpae ke a zéa

¹ Beee yānzi mmɔn kè nɛè gbē pānde taari ee, n agbaa vī ñ kpáro. Tó n gbē pānde taari è, n n zīnda dà yāmmɛ, zaake n gbētaari'eri nɛè ke le se dɔ.

² Wá dǝ kè Luda yákpækɛna kɔn yā beee taka kèrinɔ kuu a zéamɛ.

³ Mmɔn kè nɛè yā beee taka kèrinɔ taari e, ben nɛè ke le se, née daa né bɔ Luda yákpækɛnan yó?

⁴ Ke née dɔkɛ kɔn Luda nnakennɛna bítao kɔn à mɛnao kɔn à sùuomɛ? N dǝ kè Ludaa e à nnaa kɛennɛ le ñ n nòsɛ liɛ yānzinloo?

⁵ N swāgbāaa kè, née nòsɛ liero, née pɔfɛ kaakɔanzi ai Luda pɔfɛpitammagurɔ zī, tó Luda yákpækɛna kɔn gbēnɔ a zéa bò gupuraa.

⁶ Éé fīa bo baadenɛ a yákenaa.

⁷ Gbē kè aɔɔe gakui kɔn bèeɔ kɔn mèvāsaio wɛtɛɛ bensɔ aɔɔe à maaa kɛɛ kɔn mɛnaonɔ é wèndi kè è yāaroo e.

⁸ Gbē kè n zīnda pɔyeziyā e dɔɔñɛ aɛ aɔ gí yāpuraazi aɔ tɛ à zaaazinɔ sɔ, Luda é pɔfɛ kɔn pɛtɛo pitaríma.

⁹ Wétamma kɔn wāwāao é zaakɛri píngi le, atɛnsa Yudanɔ, n gbera bori pāndenɔ.

¹⁰ Luda é maakeri píngi gba gakui kɔn bèeɔ kɔn aafiao, atɛnsa Yudanɔ, n gbera bori pāndenɔ.

¹¹ Zaake Luda è gbēke wée gwaro.

¹² Gbē kè durun kè Musa doka dǝsai é kaate le doka pì sai. Gbē kè durun kè nana doka pì zī sɔ, Luda é yákpae keo doka pì musumɛ.

¹³ Èe ke gbē kè èe doka maa kɔn swāo bé à maa Luda kiiaro. Gbē kè èe zīi kɛɛa bé eé bɔ maa.

14 Tó borii kè aŃ Musa doka dŃroonŃ yā kè kŃ sio kè kŃn n̄ zĩndao, aŃŃ doka vĩ n̄ zĩndaame.

15 AŃŃe ɔɔɔawe kè yā kè kú doka pì guu kú n̄ nòsemme. AŃ laasuu e yāpura kpaaa ɔ, zaake aŃ laasuu mèn doro, à kenŃ è n̄ da yān, à kenŃ è n̄ bŃn.

16 Lemme yākpaekegurŃŃ zĩ Luda é yākpae ke kŃn gbēnteenŃ yā kè utena aŃ nòsen musu Kirisi Yesu gāzĩ, lán baaru nnaa kè mée kpaa ò nà.

YudanŃ né dokadarisaideenŃme

17 N Yuda ina, n ze kŃn n Yudakeeo, n̄ Musa doka náane vĩ, née yŃkŃ kee Ludao.

18 N̄ Luda poyezi dŃ kŃn yā kè zé vŃo, kè wà doka pì dàdanne yānzi.

19 Née daa n̄ de vianŃ wéede ũ, gbē kè aŃŃ kú gusiaa guunŃ fitia ũ,

20 wéesiadeenŃ yādanneri ũ, gbē dufunŃ aufaa ũ. Née daa Luda dokan dŃna kŃn yāpuraao mì ũ.

21 MmŃn kè neè yā da gbē pāndenŃne, bŃyānzi neè da n zĩndaneziroo? N bè wàton kpāi oro, mpi neè o sŃŃ?

22 Neè be wàton zina kero, neè zina ke sŃŃ? Neè kya ká tāanŃn, neè n̄ kpé pónŃ kpāi o sŃŃ?

23 Neè yŃkŃ ke Luda doka musu, ben n doka pì danasai è Luda tó yaka.

24 Zaake a yānzin bori pāndenŃ ègŃ Luda tó zaaa siizi lán wà kè à yān nà.

25 Tó n̄ Luda doka kūna, ben bāngukena àre vŃnne. Tó née à yā da sŃro, n̄ sáa kŃn gefŃodeenŃme.

26 Tó gefŃodee Luda dokanŃ kūna, Luda é gefŃodee pì gwa sáa kŃn gbē kè bāngu kèoroo?

27 Baa tó n̄ doka takada pì kũna bensõ n b̄angu kè, tó n̄é doka pì daro, b̄angukerisaidee kè kũna é tó yā danla.

28 Kuuna Yuda ũ yāpuraa né m̄ebaayānlo, l̄eme b̄angukena yāpuraa né m̄ebaayānlo se.

29 Kuuna Yuda ũ yāpuraa né n̄sguuyām̄e, l̄eme d̄o b̄angukena yāpuraa né n̄seguuyām̄e se. Luda Nini zīm̄e, èe ke doka takada yānlo. Luda bé è gb̄ē beee taka sáabu kpá, èe ke gb̄ēntenlo.

3

1 Kaarana kpareen Yudak̄e vīi? Àre kpareen b̄angukena vīi?

2 À kaarana vī bíta yā píngi guu. Káaku gĩa Luda a yā n̄án̄e n̄ ɔzīm̄e.

3 Kè ā gb̄ēken̄o náane vīro, b̄ón beee vīi? Ās̄ kuuna náane sai é Luda náane gboros̄?

4 Auo! Lenlo! À tó Luda ḡo yāpuraa vī, baa kè gb̄ē píngi né eḡedeeme, lán wà kè Luda yān nà wà bè: Tó n yā ò, n yā éḡo zé vī, tó n yākp̄ae k̄ényo, n yā é ble.

5 Tó wa zaak̄e è Luda maak̄e b̄o gupuraa, b̄o yān wé oo? Wé be Ludaa maaro kè è p̄of̄ē pitawa yānzin ȳo? M̄é oo lán gb̄ēntee ona b̄am̄e.

6 Auo! Lenlo! Tó Luda yāze vīro, à kè dia eé f̄o à yākp̄ae ke k̄on andunao?

7 Gb̄ēke é be, tó a eḡedek̄e e Luda náane kaara bensõ èe à tó b̄oo, b̄oyānzin eé yā daala lán durunk̄eri bàzi?

8 Tó n̄ ò l̄e n̄é beee wà yā zaaa ke, yā maaa é b̄on. Gb̄ēken̄o ma tó zaaa s̄i wà bè len m̄è o l̄e. Luda yādanlana k̄o s̄inyo.

Gbēkee maaro

⁹ Tò! Wa Yudanɔ wá sàɔn yó? Lenlo fá! Zaake ma Yudanɔ kɔn bori pāndenɔ bòbɔ nì dàn nì píngi kò, aɔ píngi né durun zònɔme.

¹⁰ Wà kè Luda yān wà bè:
Gbēkee maaro, baa mèn do.

¹¹ Làakaride kee kuuro, Luda kii weteri kee kuuro.

¹² Aɔ sàsā nì píngi aɔ gò dòrɔ sai,
yāmaakeri kee kuuro, baa mèn do.

¹³ Aɔ kòto de lán mira wēna bàme,
aɔ lénnaa kásañne,
aɔ légbɛ né pitigoo sɛwɛɛɛɛ,

¹⁴ yā ñi kɔn gbēkanao nì lé pà.

¹⁵ Aɔ wāa kɔn gbēdenao,

¹⁶ aɔ kisia kɔn pɔsiaao kpáñzi,

¹⁷ aɔ aafia zé dōro,

¹⁸ aɔ wée ègɔ Luda wí vīro.

¹⁹ Wá dɔ kè Luda doka píngi de gbē kè aɔ na doka pì ɔzĩnɔ pó ũme, le gbē píngi lé gɔ nakɔana, anduna gbē píngi gɔ taaridee ũ Luda kiia.

²⁰ Zaake gbēke é bɔ maa Luda kiia doka pì kūna yānzirɔ. Luda doka bé è tó wà durun dɔ.

Dian Luda è tó yā bɔnyo nna nà

²¹ Dian Luda è tó yā bɔnyo nna nà bò gupuraaa sa, lán à yā kēna Musa doka kɔn annabinɔ takadanɔ guu nà. Èe ke à doka kūna yānlo.

²² Luda è tó yā bɔnyo nna Yesu Kirisi náanekena yānzime. Gbē kè èè à náane kee píngi pómɛ. Gbēkee bɔna adoro,

²³ zaake baade píngi durun kè, aɔ kèsā Luda gakuizi.

24 Luda è tó yā bɔ́nyo nna gbaa ũ a gbēke yānzi Kirisi Yesu kè à ní bó gāzĩ.

25 Àpin Ludaa kpà durun agbaakpabɔ ũ gbē kè aɔ̄ɔe à aru náane κεεnɔne, le à ɔɔa baade píngine kè eè yā ke a zéame. À mena yā, èe durun ziinɔ yā daro,

26 ben à ɔɔańne tia kè eè yā ke a zéa. Dian Luda è yā ke a zéa nàn gwe, bensɔ è tó yā bɔ kɔn Yesu náanekerinɔ nna.

27 Gbēnteenɔ é fɔ wà ĩa dā dɔ́? Beee é sí kero. Bóyānzii? Zaake à de zíkɛna dokaa yā ũro, ludanaanekɛna yāme.

28 Zaake má è yā è bɔ gbēo nna Yesu náanekɛna yānzime, zíkɛna dokaa baasi.

29 Luda né Yudanɔ Ludame nt̄ɛ́ɛ́? Bori pāndenɔ Ludan seroo? Èe, bori pāndenɔ Ludame dɔ.

30 Zaake Luda mèn dome. Eé tó yā bɔ kɔn gbē kè bāngu kèo nna a náane kè èe kee yānzime, bensɔ eé tó yā bɔ kɔn gefɔdeeo nna a náane dɔnkɔ pì musu.

31 Wée doka daa póke ũro ludanaanekɛna yānzin yó? Lenlo, wée gbāaa kpaame.

4

Yā bɔna Ibraĩo nna ludanaanekɛna yānzi

1 Wa Yudanɔ, wé be diamɛ wa dezi káaku Ibraĩ yā musuu?

2 Tó Ludaa tò yā b̀o nna yā kè à kè yānzi, le à ĩadāyā è, mɔde èe fɔ à dā Luda aeziro.

3 Dian wà ò nà Luda yān? Wà bè Ibraĩ Luda náane kè, ben Ludaa tò yā b̀o nna a náane kè à kè yānzi.

4 Fīabona zīkerine né gbēkekennenanlo, à asa-
iapome.

5 Baa tó gbē e yāke kero, tó èe Luda kè è tó yā bō
kōn taarideenō nna náane kee, Luda é tó yā bōo nna
a náane kè èe kee yānzi.

6 Dauda gbē kè Ludaa tò yā bōo nna yākekesai
aubarika'ena yā ò à bè:

7 Aubarikadeenōn gbē kè Luda pó kù ní taarinōla à
ní durunno kḗrmanō ũ.

8 Aubarikadeen gbē kè Dii é à durun yā daroo ũ.

9 Aubarika beee né gbē kè bāngu kè pómee adó, ke
gefōode pómee do? Wà bè Ludaa tò yā bō kōn Ibraĩo
nna, kè à à náane kè yānzi.

10 Ibraĩ de diame gurō kè Ludaa tò yā bōo nnaa?
À bāngukenaó ke gefōodeeme? Èe bāngu kero,
gefōodeeme.

11 Ben à bāngu kè sèeda ũ kè Ludaa tò yā bōo nna à
gefōodekegurō yānzi. Len à de gefōodee kè Ludaa tò
yā bōnyo nnaano dezi ũ le ní píngi ní ludanaanekena
yānzi.

12 À de gbē kè aō bāngu kēno dezi ũme do. Èe
ke aō bāngukena yānzinlo, kè aō té wa dezi
Ibraĩ kēsēgbēzi yānzime kè à Luda náane kè a
gefōodekegurō.

Dian Ibraĩ Luda náane kè nà

13 Luda lé gbē Ibraĩne kōn à boriino à bè anduna
é gō ní pó ũ. Èe ke à doka kūna yānzinlo, kè Ludaa
tò yā bōo nna a náane kè à kè yānzime.

14 Tó gbē kè aō doka kūnāno bé weé kí ble,
ēndē ludanaanekena àre vīro bensō Luda légbēna kè
famma,

15 zaake doka è mó kŃn Luda pŃfŃome. Guu kè doka kúnlo, taari ègŃ kuuro.

16 Beee yānzi pŃ kè Luda a lé gbè ena né à náanekena yāme, le àgŃ de à gbèke yā ũ. Légbèna pì sŃ né Ibraĩ bori pìno pŃme n pìngi, èe ke gbè kè aŃ Musa doka kūna ntŃenŃnlo, kŃn gbè kè aŃe Luda náane kee lán Ibraĩ bànome do. Ibraĩ né wa pìngi dezime.

17 À de wa dezi ũ Luda kiia, lán wà kè Luda yān nà. Luda bè a à diŃ bori pariino dezi ũ. Ibraĩ Luda kè è wèndi kpá gèno à tó pŃ kè kuu yāroono gŃ kuu náane kè.

18 À Luda náane kè à wée dò pŃ kè gbèke wée doziroozi, ben à gŃ bori pariino dezi ũ lán Ludaa òne nà à bè, leme à boriino ègŃ de le.

19 Ibraĩ kà lán wè basoro taka bà. Baa tó à laasuu lè a gŃgbèkebŃsaia kŃn Sara né'iso tatanao, à ludanaanekena e busaro.

20 Èe seka ke lé kè Ludaa gbènearo, èe gí Luda náane keziro, ben à gbāa è a ludanaanekena à Luda tŃ bŃ,

21 zaake à dŃ kè à yā fēena vīro, Luda é fŃ à lé kè à gbè pì ke.

22 Beee yānzin Ludaa tò yā bŃo nnazi.

23 Wèe yā bŃnao nnaa pì kē à mèn doo yānziro,

24 wà kè wamŃwa kè Luda é tŃ yā bŃwao nnaano yānzime do, wamŃwa kè wée Luda kè à wa Dii Yesu fēe bŃna gaan náane keeno.

25 Luda à kpàmma le à e à wa taarino kēwe yānzime, ben à à fēe wèndio le yā e à bŃwao nna yānzi.

5

Kena nna kōn Ludao

¹ Lán Ludaa tò yā b̀wao nna nà à náane k̀e wée kee yānzi, wá nnao sa wa Dii Yesu Kirisi gāzī.

² À náanekena guu wa zé è à gāzī wa gē Luda gbēke k̀e wá kúo pì guu, ben wée pōnnaa kee kōn Luda gakui k̀e wá wée dōzio.

³ Èe ke beee adoro, wée pōnnaa kee kōn wa nawēakenao d̀o, zaake wá d̄s k̀e nawēa è mó kōn menao,

⁴ mena è mó kōn dà maaao, dà maaa è mó kōn tāmaao,

⁵ tāmaa s̄o è wa néro, zaake Luda a yenzi dà wa ǹsen a Ninii k̀e à wa gbaa gāzī.

⁶ Wa gbāasai guu Kirisi gà wamōwa zaakerino gēe ũ gurō k̀e Ludaa diēa.

⁷ Gana gbē maaa gēe ũu aagaro. Ke gbēke é we à ga gbē maaa gēe ũ gwēe,

⁸ ben Ludaa òd̀awe dian á yewazi nà, zaake wa durundekēe guun Kirisi gà wa gēe ũ.

⁹ Lán yā b̀wao nna nà sa à aru yānzi, wa wa sina Luda pōfēa à gāzī yā o d̀o?

¹⁰ Yā wá ïi kōn Ludaome, ben wa keo nna à Né gana yānzi. Lán wa ke Ludao nna nà sa, wa wa m̀sina à kuuna ẁendio yānzi yā o d̀o?

¹¹ Èe ke k̀ekiime adoro, wée pōnnaa kee kōn Ludao d̀o wa Dii Yesu Kirisi k̀e tò wa keo nnaa gāzī.

Kirisi yalēkōzina kōn Adamuo

¹² Gbē m̀en doo yānzin durun g̀ē anduna guu, ben durun gaa ì. Lemē d̀o gaa kú baade p̀ingia, k̀e baade p̀ingi durun k̀e yānzi.

¹³ Durun kú anduna guu le Musa doka kpé à mó. Gurɔ̀ kè doka kuuro, Ludaa e durun yā daro,

¹⁴ mɔ̀de sena zaa Adamua ai à gāa pé Musaa ga kí blè baade pínɡia, baa gbē kè aɔ̀e durun ke lán Adamu sāsāna bàroonɔ̀. Adamu né gbē kè eé mó takame.

¹⁵ Mɔ̀de ludangbaa é sí lékɔ̀zi kɔ̀n Adamu taari-oro, zaake lán gbēnɔ̀ gā nà pari Adamu ado sāsāna yānzi, Luda gbēke kɔ̀n à gbaao kè kà gbēnɔ̀a pari Yesu Kirisi ado gbēke yānzi de beeela.

¹⁶ Ludangbaa é sí lékɔ̀zi kɔ̀n gbē mèn do durun pìoro. Taari mèn doo pì bé à mò kɔ̀n yākpækɛnao, ben yā vèe gbēnteenɔ̀a. Taarinɔ̀ mò kɔ̀n ludangbaao, ben yā bò kɔ̀n gbēnɔ̀ nna.

¹⁷ Lán Adamu ado taari bé à tò gaa mò à kí blè nà, Yesu Kirisi ado yā kè à mò bíta de beeela. Beee yānzi gbē kè Luda gbēke kèñne, kè à tò yā bòníyo nna gbaa ũunɔ̀ é kí ble wèndi kè è yāaroo guu.

¹⁸ Beee yānzi lán taari mèn doo pì tò yā vèe bori pínɡia nà, lemɛ do maakena mèn doo pì è tó bori pínɡi bɔ̀ maa le aɔ̀ wèndi kè è yāaroo e.

¹⁹ Lán gbē mèn do swāgbāaa bé à tò gbēnɔ̀ gò durundeenɔ̀ ũ parii nà, lemɛ do gbē mèn do yāmana é tó gbēnɔ̀ bɔ̀ maa pari le.

²⁰ Doka mò le taari e àgɔ̀ kaara yānzime, mɔ̀de kè durun kàara, Luda gbēke kàara de beeela.

²¹ Lán durun kíblena mò kɔ̀n gaa nà, len do Luda gbēke kíblena è tó wà bɔ̀ maa le, wà wèndi kè è yāaroo e wa Dii Yesu Kirisi gāzĩ.

6

Kuuna Kirisi guu

¹ Wé be diame? Wé gí wàgõ durun kee le Luda gbẽkee e àgõ kaaran yó?

² Auo! Lenlo! Wamowa kè wá de gèno ũ durun yā musu, à kè dia wégõ kpèe wàgõ durun kee dɔɔ?

³ Wamowa kè wa batisi kè Kirisi Yesu pó ũno, á dõ kè wá kúo à gaa guuroo?

⁴ Wa gao batisikena guu, wà wa vīio le wàgõ kú kōn wèndi dufuo, lán Kirisi fèe gaan kōn a De gbāa gakuio à kuu nà.

⁵ Lán wa gõo mè dōnkõ ũ à gaa guu nà, len wé gõo le à fèena guu se.

⁶ Wá dõ kè wa dà zii gào lía, le wa mè durundee kaate wàton zò ble durunne dɔro,

⁷ zaake gbẽ kè gà bò durun yāmmè.

⁸ Lán wa ga kōn Kirisio nà, wá à náane vī kè wégõ kuuo dɔ.

⁹ Wá dõ lán Kirisi fèe gaan nà, eé ga dɔro, gaa gbāa vīa dɔro.

¹⁰ Zaake gana kè à gà, à gà durun yā musu gèndome, kuuna kè à kuu tia sō, à kuu Luda pó ũmè.

¹¹ Len apino se, à a zīnda die gèno ũ durun yā musu le, égõ kuu Luda pó ũ Kirisi Yesu guu.

¹² Beee yānzi àton tó durun kí ble a mè kè eé gaaa a dà zaaa dɔare ae dɔro.

¹³ Àton a mègu ke kpá durun-a yāzaakebo ũro. À a zīnda kpá Ludaa gbẽ kè aõ fèe gaan wà kuuno ũ, à a mèguuno kpáa yāmaakebono ũ.

¹⁴ Àton tó durun gõ gbāa vīawa dɔro, zaake á na doka ɔzīro, sé Luda gbẽkee.

Maakena zònɔ

15 Dian gwee? Lán wá kú doka ɔĩ dɔro nà, sé Luda gbèkɛɛ ɔĩ, wégɔ kpɛɛ wàgɔ durun kɛɛn yó? Auo! Lenlo!

16 Á dɔ kè tó a a zĩnda kpà gbɛa ée mì siɛɛɛ, á de adee zò ũnloo? Tó durunn a a zĩnda kpàa, é game. Tó a mì siè Ludanɛ sɔ, é bɔ maa.

17 Wa sáabu kè kɔn Ludao, zaakɛ durun zòno a ũ yá, ben a mì siè yá kè wà dàare zéazeane kɔn nòseo do.

18 A bɔ durun yán a gɔ maakɛna zòno ũ.

19 Mée yá pì oo lán gbɛntee yá'ona bà a gbāasai yānzime. Lán a a mēguuno kpà yā pāpākena kɔn yā zaaa zòno ũ a yā zaaa kè nà, len tia dɔ à a mēguuno kpá maakɛna zòno ũ le a kuuna gɔ adona.

20 Kè á de durun zòno ũ yá, a bà kú kɔn maakɛnaoro.

21 Are kpareen á è yá kè á kè yá kè à kèare wíyá ũ tiaano musuu? Yá pino midea né gaame.

22 Tia sa lán a bɔ durun yán nà ée dɔo Ludazi, a àren kuuna adona ũ, à midea sɔ né wèndi kè è yāarooɛ.

23 Durun asaia né gaame, mode gbaa kè Ludaa dàwe wa Dii Kirisi Yesu guun wèndi kè è yāaroo ũ.

7

Wá kú Musa doka ɔĩ dɔro

1 Ma gbɛno, mée yá ooare lán gbɛ kè aɔ Musa doka dɔno bà. Á dɔ kè doka iko ví gbɛa gurɔ kè à kú wèndionloo?

2 Len doka pì nozāree yì a zāa le gurɔ kè à kú wèndio. Tó à zā gà, ben doka pì è à gbarɛ.

³ Gurɔɔ kè à zā kuu, tó à gǝ gǝ pānde pó ũ, weé bene zinakerime. Tó à zā gàmε sǝ, doka pì à gbàren gwe. Tó à gǝ gǝ pānde pó ũ sa, beee né zina yāme dɔro.

⁴ Len apino se ma gbēno, a ga doka musu Kirisi mè gāzī, ben a gǝ gbē kè fεε bɔna gaan pì pó ũ, le wà e wà kaarana e Luda pó ũ.

⁵ Kè wa dà dɔwe aε yā, doka bé à tò durun nii wa de wa mè guu, ben wa kaarana è ga pó ũ.

⁶ Tia sǝ wa ga pó kè wa kũ zò ũu pì yā musu, wa bɔ dokan, ben wée dɔɔ Ludazi à Ninii zé dufu guu, èe ke doka takada zé ziinlo.

Doka kǝn durun-o

⁷ Wé be diamε? Luda doka né durunn yó? Lenlo fá! Doka pì bé à tò ma durun dǝ. Tó doka e be wàton pó ni deroro, le má dǝ dian pónidena ègǝ de nàro.

⁸ Durun zekii è Luda yādiena pì gāzī, ben à tò pó píngi nii ma de. Zaake kè má doka dǝro, durun demε yāke ũro.

⁹ Má kuu yā doka sai, mode kè ma yādiena pì mà, durun vù iin,

¹⁰ ben ma ga. Yādiena kè de à wèndi kpámaa pì mòmε kǝn gaao.

¹¹ Durun zekii è yādiena pì gāzī, ben à kèke à ma de yā pì gāzī.

¹² Lemε doka pì kuuna adona, bensǝ Luda yādiena pì kuuna adona, à zé vī bensǝ à maa.

¹³ Yā maaa bé à tò ma gaó? Lenlo fá! Le durun e à bɔ gupuraa, à gaa imε yā maaa gāzī, le wà durun dǝ durun ũ yādiena pì gāzī.

Zìkana kǝn durun-o

14 Wá dŏ kè doka pì b̀ Luda kiiame. Mapi s̄, dàdeen ma ũ, má na ðurun ɔ̄zĩ.

15 Mèèḡs̄ yā kè mée kee gbá d̄ro, zaake mèè yā kè má yezi mà kee kero, yā kè má yezi mà keroon mèè ke.

16 Tó yā kè má kè e k̄s̄ sé k̄n ma p̄yeziyāoro, ma we kè doka pì maa.

17 Èe ke mámbe mée keero, durun kè kú ma guume.

18 Má dŏ kè yā maaa kú ma guuro, ma dà maaro. Mèèḡs̄ yezi mà yā maaa ke, m̄ode mèè f̄s̄ mà kero.

19 Yā maaa kè má yezi mà ke, mèè kero. Yā zaaa kè má yeziroon mèè ke.

20 Tó yā kè má yeziroon mée kee, èe ke mámbe mée keero, durun kè kú ma guume.

21 Má è tó má yezi mà à maaa ke, à zaaa bé è ðome ae.

22 Luda doka bé è keme nna ma swè guu,

23 m̄ode má è iko pāndee kú ma m̀ guu, èḡs̄ z̄i kaa k̄n iko kè kú ma laasuu guuo, ben má na ðurun iko kè kú ma m̀ guu pì ɔ̄zĩ.

24 Mam̄ma wēndade ina, dé bé eé ma sí ma m̀ kè ma kpa gaazi kè ɔ̄zĩ?

25 Ma sáabu kè k̄n Ludao! K̄n wa Dii Yesu Kirisi gbāaa. Len má ðe z̀ ã Luda dokane ma laasuu guu le, bens̄ má ðe z̀ ã ðurun ikonè ma dà guu.

8

Zìblena k̄n Luda Nini gbāaa

1 Yā é v̄ee gb̄e kè āo kú Kirisi Yesu guun̄a ðoro,

2 zaake kuuna Kirisi Yesu guu Luda Nini kè è wēndi kpámma gbāaa ma b̀ ðurun k̄n gaao ikon.

³ Yā kè Musa doka e f̄ à kèro gbēntee gbāasaikε yānzi, Luda kè. À a zīnda Né z̄i gbēntee ū lán wamowa durundeenŃ bà durun kēnnena yānzi, ben à wí dà durun-a a Né mē pì gāzī,

⁴ Iε yā kè doka e wetεε yāpuraa kεwa, wamowa kè wa dà è dowe aε doro, sé Luda Nini.

⁵ Gbē kè aō dà è dōnne aεnŃ è làakari dŃ n̄ dà yāa, gbē kè Luda Nini è dōnne aεnŃ è làakari dŃ Luda Nini yāa.

⁶ Dà dōnnena aε né gaame. Luda Nini dōnnena aε né wēndi kōn aafiaome.

⁷ Dà dōnnena aε né íbetekpana kōn Ludaome. Adeε è m̄i siε Luda dokanero, eé f̄ sero.

⁸ Gbē kè aō dà è dōnne aεnŃ yā è ká Ludanero.

⁹ ApinŃ s̄, a dà è d̄are aεro, sé Luda Nini, tó à kú a guu yāpura. Tó gbē Kirisi Ninii v̄i s̄ro, à dε Kirisi p̄ ūro.

¹⁰ Tó Kirisi kú a guu, baa tó a mē gà durun yānzi, Luda Ninii dεare wēndi ūme, kè Luda tò yā b̄ao nna yānzi.

¹¹ Tó Luda kè Yesu f̄ε gaan Ninii kú a guu, Luda kè Kirisi p̄i f̄ε gaan é wēndi kpá a mē kè gà p̄ia à Ninii kè kú a guu gāzī.

¹² Beeε yānzi ma gbēnŃ, tεna wa dàzi né tiasinlo, p̄yezime.

¹³ Tó á té a dàzi, é game. Tó a a yāzaakenanŃ m̄i dε kōn Luda Nini gbāaao s̄, éḡ kuu.

¹⁴ Gbē kè Luda Nini è dōnne aεnŃ bé wà Luda nēnŃ ū.

¹⁵ Zaake ninii kè è tó wà zò ble kōn v̄iaon á èro, Luda Nini kè tó a ḡ Luda nēnŃ ūun á v̄i, ben weé wii lé Luda kōn à gbāaao wà be: Baa, wa De.

¹⁶ Ninii p̄i è o wa niniine kè Luda nēnŃ wa ū.

17 Lán à nénɔn wa ũ nà, à túbiblerinɔn wa ũ. Luda túbiblerinɔn wa ũ, wé ble lɛdo kɔn Kirisiome. Tó wa nawɛa kɛo, wégɔ kúo à gakuì guu.

Wéedɔna Luda gakuizi

18 Má è wé fɔ wà gurɔ kèkii nawɛa lékɔzi kɔn gakuì kè Luda é bɔowe gupuraaaro.

19 Luda pókɛnanɔ píngi wée dɔ à nénɔ bɔna gupuraazi yáana sai.

20 Zaake Ludaa tò a pókɛnanɔ gè pāpāke guu píngi. Èe ke aɔ poyezinlo, Luda bé à kè le, le n wéedɔzina guu

21 anduna bɔ yakana kè è zò bleene guu, gbasa àgɔ a zĩnda vĩ Luda nénɔ gakuì guu.

22 Wá dɔ kè Luda pókɛnanɔ píngi e mboo kɔn wāwāao lán né'i pò bà ai tia.

23 Èe ke beeme adoro, wamɔwa kè wá Luda Nini vĩ kpégaau ũunɔ, wée mboo kpāi se ai Luda gɔ gá wa mè lie à wa sí a nénɔ ũ.

24 Luda wa mì sɔ le wà wée dɔ beeezi. Pó kè wà è kɔn wéeo né wéedɔzina yān dɔro. Dé bé è wée dɔ pó kè à gĩake à èzi?

25 Tó wa wée dɔ pó kè wée eroози sɔ, weègɔ dāa kɔn menaome.

26 Lemɛ sɔ Luda Nini è dɔwale wa gbāasai guu, zaake wá aduakɛna dɔ a zéaro, ben Luda Nini è kúe kewe Ludane kɔn mbona kè à yā gè onalaa.

27 Luda è nɔse guu e bensɔ à a Ninii laasuu dɔ, zaake Luda Nini è kúe ke Luda gbɛnɔne lán Ludaa yezi nāmɛ.

28 Wá dɔ kè yā píngi è bɔ maa gbɛ kè aɔ ye Ludazinɔne, gbɛ kè à n sísí à n sé lán èe wetɛe nānɔ.

29 Zaake Ludaa diε zaa káaku kè gbē kè à gĩake à n̄ d̄n̄o bok̄ba k̄n a Néo, 1ε àḡo de daudu ũ d̄aro pariino té.

30 Gbē kè à n̄ díε zaa káaku p̄n̄o à n̄ sísi, ben à tò yā b̄o k̄n gbē kè à n̄ sísi p̄n̄o nna, ben à tò gbē kè yā b̄nyo nnaa p̄n̄o ḡo gakui v̄i.

Yenzi kè Ludaa v̄iwao Kirisi Yesu guu

31 Wé o diamε yā beeno musuu? Lán Luda zèwao nà, dé bé eé f̄o à kpáwee?

32 Lán èe gí k̄n a z̄inda Néoro nà à à kpà wa píngi yānzi, eé gí p̄o píngi naawe gbaa ũ s̄z̄i?

33 Dé bé eé gbē kè Luda n̄ s̄eno káara keε? Luda bé è tò yā b̄nyo nna.

34 Dé bé eé yā dawalaa? Kirisi Yesu gà, kè de beelaa à èara à f̄e à kú Luda ɔplaazi, èe kúe keεnεwe.

35 Bó bé eé wa kē Kirisi yenzia? Nawēa ke ĩadamma ke w̄et̄amma ke noaa ke takaasi ke kari ke f̄εdaa, āo ke é f̄o?

36 À kēna Luda yān wà bè:
N yānzi wá kú gaa léz̄i zaa k̄nḡo ai uusie,
wè wa diε lán s̄aa kè weé n̄ k̄to kpán̄o bà.

37 Yā beeno guu píngi wá de z̄iblerila gbē kè yewazi ḡaz̄i.

38 Zaake má d̄o s̄ans̄an kè gaa ke w̄endi ke malaikan̄o ke z̄inn̄o ke tia yā ke zia yā ke gbāadeeno

39 ke musu p̄n̄o ke t̄oε p̄n̄o ke Luda p̄kena p̄anden̄o, āo ke é f̄o à wa kē yenzi kè Ludaa v̄iwaoaro wa Dii Kirisi Yesu guu.

9

Luda Isarailin̄o s̄ena a gbēn̄o ũ

¹ Mée yāpuraa oo Kirisi guume, mée egeε toro. Ma laasuu é wezi kōn Luda Ninio se.

² Ma pōsīaa kè bíta, ma nòse ègō yakana gurō pīngi.

³ Mé fō mà wée ke Ludaa à ma kē Kirisia, à láari kema ma Isaraili daanō gēε ũ.

⁴ Aōmōnnōn Luda n̄ sé a n̄nō ũ, à a gakui òdōańne, à bà kúnyo, à a doka kpàmma, à dōnzikena dàńne, à lé gbèńne.

⁵ Aō de Luda gbē káakunō boriinō ũ, bensō aō borii guun Kirisi kè de gbē pīngilaa bòn gbēntee ũ. Àmbe Luda kè de wàgō à sáabu kpaa gurō pīngi ũ. Aami.

⁶ Èe ke yā kè Ludaa ò lèe pānlo, zaake Isaraili gbē pīngin Isaraili yāpuraa ũro.

⁷ Èe ke Ibraĩ boriinō pīngi bé Ibraĩ pì n̄nō ũ Luda kiiaro, zaake Ludaa bè Ibraĩne, Isaaku boriinōn weégae beńne à boriinō ũ.

⁸ Lemε èe ke né kè à n̄ í pōyezionōn Luda n̄nō ũro, né kè à n̄ í Luda légbēna musunōn borii pìnō ũ.

⁹ Zaake Luda lé gbè à bè: Mé εara mà mó zii mōndaa'i, Sara é né i gōgbē ũ.

¹⁰⁻¹² Èe ke beee adoro. Luda è gbēnō sé lán èe wεtεε nàme, èe ke aō yākēna yānzinlo, kè à n̄ sísi yānzime. Lemε kè Rebeka sikanō nò sì kōn wa dezi Isaakuo, ai àgō gá n̄ i, ai aōgō gá à maa ke à zaaa ke, Luda bè Rebekane, à kè bò káaku égō né ũ gbē zāane.

¹³ Lán wà kē Luda yān nà wà bè:

Má ye Yakubuzi,

Isau sō, ma gizi.

¹⁴ Wé be diame? Yā zaaa kú Luda kiiar yó? Lenlo fá!

15 Zaake à bè Musane,
gbẽ kè á yezi à sùu keon é keo,
bensõ gbẽ kè á yezi à wẽnda dõnen é dõne.

16 Beee yãnze Luda gbẽno sena e bo gbẽnteenõ
poyezi gãzĩro ke aõ aĩakenan, à bõ Luda sùu guume.

17 Zaake Ludaa ò Fili'aunanε a yãn à bè: Ma n ka
kpatan le mà a gbãaa òɔa gbẽnoε n musume, wà
ma tó kpá anduna guu píngi.

18 Lemε gbẽ kè à yezi à sùu keon è keo le, bensõ gbẽ
kè à yezi à à swã gbãgbãn è gbãgbã.

Luda pɔfɛ kɔn à sùuo

19 A gbẽke é ma la, bõyãnze Ludaa e gbẽno taari
eezi ɔɔ? Dé bé eé fõ à gí Luda poyezizi?

20 N gbẽntee ina, dén n ù gbasa n yã sí Ludalaa?
Oroo é a bõri la à be: Bõyãnze n ma bo lán kè bàzió?

21 Orobóri zé vĩ à oro swãde kɔn à swãsaio bo kɔn
gũ dõnkõ kè à tòtooro?

22 Tó Ludaa yezi à a pofɛ ɔɔaĩne le aõ a gbãaa dõ,
ben à mena bíta kè kɔn gbẽ kè aõ de à pofɛ pitaĩma
à n kaatenõ sõ né!

23 Tó à beee pì kè, le wamɔwa kè à sùu kèwaonõ a
gakui bíta dõ sõ né, wamɔwa kè à gĩake à wa keke le
wà gẽ a gakui pì guunõ!

24 Gbẽ kè Luda n sísì à n sé pìnon wa ù. Èe ke
Yudanome n̄t̄ero, kɔn bori pãndenome se.

25 Lán Ludaa bè annabi Osea takadan nã
Borii kè aõ de ma gbẽno ùroonon mé beĩne ma
gbẽno.

Borii kè má yeñziroonon mégõ yeñzi.

26 Gura kè Luda bèĩne aõ de a gbẽno ùro,
gwen weé n sísì Luda Wèndide pì neno.

27 Isaya wii lè Isarailino yã musu à bè:

Baa tó IsarailinŃ pari
lán ísiale bùsu'ãatē bà,
aõ kpaaa kè gò bé eé bŃ.

²⁸ Zaake Dii é yã kè à ò ke anduna guu,
bensõ eé à mì de zena saime.

²⁹ Lán Isaya gĩake à bè nà:

Tó Dii Žĩkpedee e wa bori kenŃ tó yãro,
le wa gŃ lán SŃdŃmudeenŃ bà,
le wa ke lán GŃmŃradeenŃ bà.

IsarailinŃ gina Kirisi baaruzi

³⁰ Wé be diamε saa? Bori pãndenŃ e wetε Luda tó
yã bŃnyo nnaro, ben à tò à bŃnyo nna. À tò yã bŃnyo
nna a náanε kè aõ kè yãnzì.

³¹ IsarailinŃ sŃŃ e wetεε Luda tó yã bŃnyo nna
doka musu, ben èe bŃnyo nnaro.

³² Bóyãnzii? Kè aõ yezi Luda tó yã bŃnyo nna í
yãkenaa yãnzime, èe ke à náanεkena yãnzinlo. Aõ
gènn sì gbè kè è í pãεa

³³ lán wà kè Luda yãn nà:

Ń gwa, mée gbè kè è tó wà gènn sí diε ZayŃn,
gbèsi kè è tó wà fuu.

Wí é gbē kè à à náanε kè kũro.

10

¹ Ma gbēnŃ, yã kè má yezi ma swē guu mée a wée
keε Ludaan IsarailinŃ mìsina ũ.

² Mé fŃ mà í sèeda ke kè aõ aĩa vĩ kŃn Luda yãŃ,
mŃde aõ wée kēnaro.

³ Zaake aõ dŃ dian Luda è tó yã bŃnyo nna nàro,
ben aõègŃ wetεε yã bŃnyo nna kŃn í zĩnda gbãaaŃ.
Dian Luda è tó yã bŃnyo nna nà, aõεe síro.

⁴ Zaake Kirisi Musa doka lé pàpa, le yā bɔ kɔn gbē sānda píngi kè à à náane kèo nname.

Mìsina né gbē píngi pómé

⁵ Dian doka è tó yā bɔnyo nna nà n Musa ò a takadan à bè, gbē kè yā pì kè bé é wèndi e à guu.

⁶ Dian ludanaanekena è tó yā bɔnyo nna nà kēna à yān à bè:

Ñton o n nòsen n be,

dé bé eé gá ludambe à Kirisi pitaro,

⁷ ke dé bé eé gá gèwāan à Kirisi bɔ gaanlo.

⁸ Yā kè à òn yè:

Yā pì kúnyo kīi,

à kú n lén kɔn n nòseo.

Ludanaanekena yā kè weè à waazi keen yā pì ũ.

⁹ Tó n ò kɔn léo gupuraa kè Yesun Dii ũ bensɔ n sɔ n swèn kè Luda à bɔ gaan, eé n mì sí.

¹⁰ Zaake yā pì sina n swèn bé è tó yā bɔnyo nna bensɔ yā pì ona kɔn n léo bé è n mì sí.

¹¹ À kēna Luda yān wà bè, wí é gbē kè èè à náane kee kũ zikiro.

¹² Yudanɔ kɔn bori pāndenɔ e bɔ doodo kɔoro, zaake aɔ píngi Dii dɔnkɔme, è kaarana ke gbē kè aɔè à sísinɔne n píngi.

¹³ Zaake Dii sísirinɔ é bɔ n píngi.

¹⁴ Dian gbēnɔ é à sísi à náanekena saii? Dian aɔé à náane ke à yāmana saii? Dian aɔé à yā ma waazikeri saii?

¹⁵ Tó wèè waazikerinɔ zĩnmaro, dian aɔé waazi keíne nà? À kēna Luda yān wà bè: Baarun-nakparinɔ mɔna è keíne nna fá!

¹⁶ Mòde èè ke baade píngi bé à baaru nnaa pì sìro. Ben Isaya bè: Dii, dé bé à wa yā sì?

17 Leme ludanaanekena è bɔ à yãmana kiiame, yã pì sɔ né Kirisi yãme.

18 Ma bè yóó! Aɔɔe manloo? Aɔɔ mà.

Aɔ kòto dà andunala píngi,
aɔ yã'ona gàa ai tɔɔte lézekiia.

19 Ma bè yóó! Isarailinɔɔ e dɔroó? Káaku gĩa Musa bè:

Mé tó aɔ nòseɔgɔaanɔ kpá kɔn borii kè aɔɔ de ma gbẽ ũroonɔɔ,

mé tó aɔ pɔ fẽ gbẽntee wéesiadeenɔ yã musu.

20 Ben Isaya Luda yã ò kɔn kù gbãaao à bè:

Gbẽ kè aɔɔe ma kii weteroonɔ bé wà ma e,
ma a zĩnda òɔa gbẽ kè aɔɔe ma gbekaroonɔne.

21 Isarailinɔ yã musu à bè:

Zaa kɔngɔ ai uusie ma ɔ dò

bori swãgbãadee kè aɔ fèmaonɔne.

11

Ludaa e Isarailinɔ zĩnnaro

1 Ma bè yóó! Luda a zĩnda gbẽnɔ zĩnnan yó? Lenlo fá! Mapi, Isarailin ma ũ. Ibraĩ boriin ma ũ Beyãmi borii guu.

2 Ludaa e a gbẽ kè à gĩake à ní dɔnɔ zĩnnaro. Á Ilia yã kè kèna Luda yãn kèkii dɔroo? Kè à gàa kɔn Isarailinɔ yão Luda kiia, à bè:

3 Dii, aɔ n annabinɔ dède aɔ n gbãgbãkiinɔ gbòro. Mámbe ma gɔ mado, ben aɔɔe ma wɛɛ.

4 Luda bè Ilianɛ diamɛ? À bè, á gbẽ kè aɔɔe kúe Baalinɛroonɔ kũna a pɔ ũ gɔɔn bɔɔɔ swɛɛplaa.

5 Leme dɔ aɔ gbẽ kpaaa kè Luda ní sé a gbẽkɛɛ guunɔɔ kpé kuu ai gbãa.

⁶ Lán à ní sé a gbêkεε guu nà, èe kε aõ yākεna yānzinlo. Tó lenlo, ãndε Luda gbêkεε éǵõ gbêkεε ũro.

⁷ Dian gwee? IsarailinŃ e yā kè wèe wetεε ero, mōde aõ gbε kè Luda ní sɛnŃ è. Aõ gbε kè aõ ǵõnŃ nòse tàta,

⁸ lán à kēna Luda yān nà wà bè:
Luda iwesaa kpàñzi,
ben aõ wéε e guu ero,
aõ swā e yā maro ai kōn a gbàao.

⁹ Dauda bè dŃ:
Aõ zĩbaakεna ǵõñne takutεε ũ à ní kũ,
à ǵõñne ǵènsikii ũ le à yā lúñne.

¹⁰ Aõ wéε sisi le aõton guu ero,
aõ wó ǵõ kokona gurŃ píngi.

¹¹ Ma bè yóo! Kè IsarailinŃ ǵèn sì, aõ lèe mámmann yó? Lenlo fá! Aõ taarinŃ yānzin Luda bori pāndenŃ mì sizi, le IsarailinŃ nòseǵõaanŃ kpáñyo yānzi.

¹² Lán aõ taarinŃ bé à tò anduna kaarana è nà, bensõ aõ funa bé à tò bori pāndenŃ kaarana è, weé ní lé papana yā o dŃ?

Bori pāndenŃ mìsina

¹³ Mée yā oo a bori pāndenŃne sa. Lán má de zĩri ũ bori pāndenŃ kiia nà, mεè ãa dā ma zĩrike yā musu,

¹⁴ le mà a zĩnda boriinŃ nòse fεε aõ nòseǵõaanŃ kpá mà ní gbêkenŃ mì sí.

¹⁵ Zaake Luda gina IsarailinŃzi bé à tò anduna kèò nna, tó à èara à ní sí dŃ, beee éǵõ de diamε? Beee éǵõ de wèndi ũ ǵènŃne.

¹⁶ Tó wà pó dufu dàε, à kpaaa ǵõ aubarika pó ũme. Tó lí kāsāa de Luda pó ũ, à ǵànŃ de à pó ũme se.

17 Luda kù lí yāpura gǎ kenŃ zǝzǝ, ben à mmŃn kè ní de kùtē lí ũu pè à gbèn, le ñgŃ kuu kŃn kù lí maaa kāsā gbāaa.

18 Ñton kya ká kù lí yāpura gǎ kè à zǝzŃnŃnlo. N ke dia nées ĩa dāa? N kuu lí kāsāa yānzime, èe ke lí kāsāa bé à kuu n yānziro.

19 Né be, à lígǎ pìnŃ zǝzǝ le à n pé ní gbèn yānzime.

20 Lemε, mŃde à ní zŃzŃ kè aŃŃe a náane kero yānzi. MmŃn sŃ, n zekii è kè nées Luda náane keε yānzi. Ñton wada kero. N òakari ke!

21 Lán Ludaa e gí kù lí yāpura gǎnŃ zŃzŃziro nà, eé gí n zŃzi sero.

22 N gwa lán Ludaa maa nà bensŃ à pāsī. À pāsī kŃn gbē kè aŃ fùanŃ, ben à maanne, tó n ze kŃn à maakenao. Tó lenlo, eé n zŃme se.

23 Tó IsarailinŃ ñ ludanaanekesai tò, eé εara à ní pé ní gbèmmε, zaake à ní pena ní gbèn gbāa vī.

24 Tó Luda n zŃ kùtē lía à n pe kù lí yāpuraa lán wè kero nà, kù lí gǎ yāpuraanŃ εara à pena ní zīnda lía zé vī de beeelaroo?

IsarailinŃ mīsina zāa

25 Ma gbēnŃ, má yezi àgŃ asiiyā kèkii dŃ, le a wée tóngŃ sia à a zīnda die ĩadārinŃ ũro yānzi. Isaraili kpaaanŃ swāgbāa kù gīa ai bori pāndenŃ gēna kpata kè bŃ Luda kiia guu lé gŃ ká.

26 Beeε gbεra Luda é IsarailinŃ mì sí ní píngi lán à kēna Luda yān nà kè wà bè:

Mīsiri é bŃ ZayŃn,

eé Yakubu boriinŃ kē ludadŃsaia.

27 Ma bà kuunańyo yān gwe gurŃŃ kè mé ní durunnŃ kēńne.

28 Baaru nnaa pì yā musu aṣṣo de Luda ibeeno ũ a yānzi. Luda gbēno sēna yā musu aṣṣo de Luda yenzideeno ũ aṣṣo dezinṣo yānzi.

29 Zaake ludangbaano kōn gbē kè à n sīsì à n sēno è sí liero.

30 A bori pāndenṣo ée Luda yā ma yāro. Tia sa Luda sùu kèao kè Isarailinṣo e à yā maro yānzi.

31 Len Isarailinṣo gì Luda yā mazi le tia, le Luda e à sùu keao, gbasa à sùu keño.

32 Luda yāmasai kpà gbē sānda píngizi, le à e à sùu keño n píngi yānzime.

Luda sáabukpana

33 Luda ɔndɔ kōn a dōnao bítakee kà zà fá.

Gbēke é fɔ à bo yā kè à zèo asiaro,
weé fɔ wà à dōro dōro.

34 Dé bé à Dii nòse dōo?

Dé bé à yā dànè à lédamhari ũu?

35 Dé fīa bé à dɔ Ludaa kè eé bone?

36 Pó píngi bò à kiiame,

aṣṣo kuu kōn à gbāaaao,

bensō aṣṣo kuu à pó ũ.

Wàgō à tó boṣo guro píngi. Aami.

12

Zīkena Ludane

¹ Beee yānzi ma gbēno, lán Luda wa wēnda dō le nà, ma wée kèawa à a zīnda kpáa sa'opo bēe seesai kè è káne ũ. Àmbe a donzikena a zéa ũ.

² Àton té anduna tiaa kè tuubaziro. À tó Luda a dà lie, a làakari e à gō dufu, le à e à à poyezi dō, yā kè maa, ben à nna, ben à papana.

³ Gbaa kè Ludaa dàme yānzin mée oo a pínginezi, àton a zīnda maa bo de a maa lélaro. A baade a zīnda die a yāpura lén lán Luda à gbà zé à a náane ke nà.

⁴ Gbēntee mè mèn doo guunŃ vī pari, aā baade kōn a zīiome.

⁵ Lemε, baa kōn wa parikεεo, wa mè dōnkō Kirisi guume, mēgu daanŃn wa ũ.

⁶ Wa gbaa bō doodo kōne lán Ludaa dàwe nà a gbēkεε guu. Tó annabikεyā'ona gbaan nī vī, n ke n ludanaanεkena lén.

⁷ Tó zīrikεεme, n ke. Tó yādannεname, n dańne.

⁸ Tó lédammaname, n dańma. Tó gbadaname, n da aaga. Tó dōn'aedekεεme, n ke kōn aīao. Tó wēndadōnnεname, n dōńne kōn pōnnao.

⁹ À kō sio yenzi gō mōnafiki sai. À kpεε li à zaaane, à ze kōn à maaao.

¹⁰ Àgō nna kōo kō gbēnŃ ũ. Àgō wāa kōn bēelikōnεnao.

¹¹ Àgō aīa vī meā sai, a mè gō wāa Dii zīi guu.

¹² À pōnnaa ke yā kè a wée dōzi yā musu. À mena fō nawēakεna guu. À mè kpá aduakεnaa.

¹³ À dōnle ke Luda gbē kè pō e kēsāammanŃne. Àgae nibo ke.

¹⁴ À sa maaa o a wētāmmarinŃne. À sa maaa ońne, àton nī káro.

¹⁵ À pōnnaa ke kōn pōnnakerinŃ. À sō dō kōn sōdōrinŃ.

¹⁶ Àgō kú kōo nna. Àton a zīnda sé lezīro. À gbēnna kpá kōn takaasideenŃ. Àton a zīnda die yādōrinŃ ũro.

¹⁷ Àton yā zaaa fīa bo kōn à zaaaoro. Àgae yā kè maa baade píngine ke.

18 Tó eé sí ke, tó á à zé vī, àgõ nna kōn gbē sānda pīngio.

19 Ma gbē yenzideenŋ, àton gēe bo gbēaro, à à tó kōn Ludaŋ. À kēna Luda yān wà bè:

Dii bè, ambe é gēe bońma,

ambe é fīa bońma.

20 Tó nɔaa e n ibeε dεε, n pɔblee kpáa. Tó ímiime sɔ, n à gba í. Tó n kè le, néε à ɔ kaane a lémmε.

21 Nton tó yā zaaa zī blemmaro. N zī blea kōn à maaao.

13

Misiεna b̄usu gb̄aadeenŋε

1 Baade pīngi mī sie b̄usu gb̄aadeenŋε, zaake iko kee kuu Luda lé saero. Luda bé à gb̄aadee kè aɔ kuunŋ diε n pīngi.

2 Beee yānzi gbē kè b̄o gb̄aade yā kpeε, adee b̄o Luda yādiεna kpeεmε. Gbē kè b̄o n kpeεnŋ n zīnda dà yāmmε.

3 Èε ke maakεrinŋ bé wè vīa ke kpatablerinŋero, sé zaakerinŋ. Tó n yezi gb̄aadeenŋ vīa dadanziro, n yā maa ke, eé n sáabu kpá.

4 Gb̄aadee né Luda zīkerime n aafia yānzi. Tó n yā zaaa kè sɔ, n vīa kenε, zaake à fēεdaa logona pānlo. Luda zīkerime, è gēε bone zaakeria.

5 Beee yānzi à maa à mī sieńne. Èε ke wétāmma yānzi adonlo, a laasuu yānzime dɔ.

6 Beee yānzin eè be'ɔ kpázi dɔ, zaake gb̄aadeenŋ né Luda zīkerinŋmε, aɔε zī pī kεεnεmε.

7 À baade fīa bońne pīngi. À be'ɔ kpá à sīria, à a laaanŋ takada sí dɔ. À mī sie gbē kè de à mī sienεne. À gbē kè de à à yā da yā da.

Gurɔɔ kà kīi, wàgɔ yekɔzi

⁸ Àton gbēke fīa séro, sé yekɔzina fīa baasiro. Gbē kè ye a gbēdaaazi, Luda doka pèkɔreame.

⁹ Wà bè ònton zina kero, ònton gbē dero, ònton kpāi oro, ònton gbē pɔ ni dero. Yā pino kɔn yādiēna pānde kè aɔ kuunɔ pīngi kú yā kèkii guume wà bè: Ngɔ ye n gbēdaaazi lán n zīnda wèndi bà.

¹⁰ Yenzi è tó gbē yā zaaa kè a gbēdaaanero. Yen-zin Luda doka papana ũ.

¹¹ À ke le, zaake á gurɔɔ kè wá kúa kè dɔ. A vuna iin gurɔɔ kà, zaake wa m̀sina kīi tia de gurɔɔ kè wa Yesu náane kèla.

¹² Guu s̀i à kà zà, gudɔna kà kīi. Wà mi kē gusia yānɔa wà gupura gɔkeɔnɔ sée.

¹³ Wàgɔ kú wa dɔrɔa fáantē gbēnɔ ũ faasai kɔkɔ kɔn wēdenao sai, pāpākēna kɔn wísaiyāo sai, leokpakɔa kɔn zanguo sai.

¹⁴ À Dii Yesu Kirisi zékpae sé. Àton tó a dà zii dɔbare ae à à nidena kero.

14*Kɔ taari'ena*

¹ À gbē kè buse ludanaanekena guu die yākete sai.

² Gbēkenɔ ludanaanekena è pɔke tē boro, ben gbē kè aɔ ludanaanekena busananɔ è ǹbɔ sóro.

³ Gbē kè è pɔ pīngi ble tón kya ká gbē kè è pɔ pīngi bleroonlo, bensɔ gbē kè è pɔ pīngi bleroo tón gbē kè è pɔ pīngi blee taari ero, zaake Luda à simɛ.

⁴ Dén n ũ kè néé danɔ zīkeri taari ee? Tó à f̀ ke à f̀uan yoo, à Dii yān gwe. Eé f̀, zaake Dii gbāaa é tó à f̀.

⁵ Gbēkeno sị kè guro kenon nna de à kenola, gbē pāndenon sị kè guro píngi sáame. Baade laasuu gō dōnkō kōn yā kè à zèoo.

⁶ Gbē kè è guroo bo è bo Dii yānzime. Gbē kè è pō píngi blee è ble kōn Dii gbāaaome à Luda sáabu kpá. Gbē kè è pō tē è tē Dii yānzime à Luda sáabu kpá.

⁷ Gbēke ègō kuu a zīnda yānziro, gbēke è ga a zīnda yānziro.

⁸ Tó wá kuu, wá kuu Dii pō ūme, tó wa ga, wa ga Dii pō ūme. Wá kuun yoo, wa gan yoo, wá de Dii pō ūme.

⁹ Zaake Kirisi gá à fēe, le àgō de gèwāadeenon kōn gbē bēenon Dii ūme.

¹⁰ Kè née n gbēndoo taari ee sō né? Mmōn sō, à kè dia née kya kaa n gbēndoon sō? Luda ègō vēena a tintia, wa píngi wé bo wà ze à ae,

¹¹ lán à kēna Luda yān nà Dii bè:

Kōn ma kuunao, baade píngi é kúeme,

gbē sānda píngi é ma ludakēe dō.

¹² Len baade é a zīnda yā tōkē Ludane le.

Àton yā kè eé tó a gbēndoo fuu kero

¹³ Beee yānzi wàton kō taari e doro. Kè de à kō taari e, à zeo kè é yā kè eé tó a gbēndoo fuu kero.

¹⁴ Dii Yesu guu má dō sānsān kè pōble ke ègō gbāsī a zīndaro. Mōde tó gbē die kè pō gbāsī, ben ègō gbāsīne.

¹⁵ Tó n n gbēndoo nōse yàkane pō kè n blè yānzi, n yenzi vīnero. Pōblee kè n blè yānzi nton gbē kè Kirisi gá à yānzi kaatero.

¹⁶ Àton tó wà kya káare pō kè á è à maanlo,

¹⁷ zaake kpata kè b̀ Luda kiia né p̀blena k̀n íminao ỳnlo. Ỳakena a z̀ea k̀n aafiao k̀n p̀nnaa k̀e Luda Nini è ínneo ỳame.

¹⁸ Gb̀e k̀e èe d̀o Kirisizi lán beee bà ỳa è ká Ludane, bens̀ gb̀entee è à sáabu kpá.

¹⁹ Beee ỳanzi wàgae k̀o aafia wete wàg̀o k̀o se lezĩ.

²⁰ Ǹton Luda z̀i yaka p̀blee ỳanziro. P̀ble píngi maame, m̀ode p̀o k̀e eé tó n gb̀endoo fuu blena maaro.

²¹ Ǹb̀sonan yoo, ẁeminan yoo, ỳa k̀e eé tó n gb̀endoo fu píngi, à maa ǹ tẽme.

²² P̀o k̀e ǹ náane k̀e, ǹ tó à g̀onne k̀n Ludao. Aubarikadeen gb̀e k̀e èe a z̀inda taari e k̀n p̀o k̀e à z̀eroo ũ.

²³ Tó gb̀e e seka kee p̀blee k̀e èe bleea s̀o, à a z̀inda dà ỳamme, k̀e èe k̀o sé k̀n à ludanaanekenaoro ỳanzi. Ỳa k̀e èe k̀o sé k̀n gb̀e ludanaanekenaoro né durumme.

15

Wàg̀o yek̀zi wéed̀na Ludazi guu

¹ Wam̀wa k̀e wá gb̀aa ludanaanekena guuno, séde wà gb̀e k̀e aõ gb̀aaronõ sé lezĩ aõ gb̀asaikere guu. Wátongae wa p̀yezi kero.

² Wa baade gae ỳa k̀e eé ke a gb̀daaane nnaa ke à b̀na maaa ỳanzi k̀n à kásãpenao.

³ Zaake Kirisi e a z̀inda p̀yezi kero. À k̀ena Luda ỳan wà bè, gb̀enõ d̀kena Ludao g̀ne.

⁴ Ỳa k̀e wà k̀e ỳa píngi, wà k̀e lédanawaa ỳanzime. Luda ỳa p̀i è wa gba mena, è wa gba swè le wàg̀o tãmaa vĩ.

⁵ Luda kè è ní gba mena à ní gba swè tó àgõ nòsɛdõnkõ vī kõ lán Kirisi Yesu pó bà,

⁶ ɛ à Luda wa Dii Yesu Kirisi De tó bõ kõn nòsɛ dõnkõ kõn ɛdolɛo.

⁷ À kõ sí lán Kirisi a si nà Luda tóbõna yānzi.

⁸ Mée ooare, Kirisi gõ ziri ũ Yudanõnɛ, ɛ à lé kè Ludaa gbè aõ dezinõnɛ papa, aõgõ dõ kè Luda náanɛ vī,

⁹ ɛ bori pāndenõ Luda tó bõ à sùu yānzi lán à kēna Luda yān nà wà bè:

Bee yānzi mé n sáabu kpá boriinõ té, mé n tó kpá.

¹⁰ Wà bè dõ:

Boriinõ, à ponnaa ke kõn Luda gbēnõ.

¹¹ Wà bè dõ:

Amõa bori píngi à Dii tó kpá, amõa bõsu píngi gbēnõ à à táaki lé.

¹² Isaya bè dõ:

Yɛɛ kāsāa é pito pá, eé fɛɛ à kí ble bori pāndenõnɛ, aõégõ wée dõzi.

¹³ Luda kè gbē píngi wée dõzi tó ponnaa pekõrɛawa kõn aafiao a náanɛ kè ée keɛ yānzi, ɛ a wéedõzina kaara kõn à Ninii gbāaaõ.

Põlu zĩkenã Ludanɛ

¹⁴ Ma gbēnõ, má dõ sãnsãn kè maakɛɛ pekõrɛawa, á yā píngi dõ wásawasa, é fõ à lé dakõa.

¹⁵ Ma takada kè kēna guu ma yākenõ kè kõn kùgbāaaõ diena, ɛ àgõ dõagu yānzi, zaake Luda ma gba zé

¹⁶ ma gõ Kirisi Yesu zĩkeri ũ bori pāndenõnɛ. Mée baaru nnaa kè bõ Luda kiia kpaanɛ, ɛ aõ kuuna

gõ adona Luda Nini gāzĩ, aõ gõ Ludanε sa'obɔ kè è kεnε ũ.

¹⁷ Kuuna Kirisi Yesu guu mée ĩa dāa zĩi kè mée kεε Ludanε yā musu.

¹⁸ Zaake má yāke ona vĩro, tó èe kε yā kè Kirisi kè ma kiia baasiro. À tò bori pāndenɔ Luda yā mà ma yā'ona kōn ma yākenao gāzĩ

¹⁹ kōn sèedanɔ kōn dabudabuyānɔ gbāāao kōn Luda Nini gbāāao. Bɔna Yerusalemu ma liga wéte kōn wéteo ai Ilirikumu b̀sun, ma Kirisi baaru kpàakpa kè papana.

²⁰ Mèègõ yezi mà baaru nnaa pì kpá guu kè wèe Kirisi yā man zikiro, ε màton bú ba gbē pānde pò gb̀nlo yānzi.

²¹ Lán à kēna Luda yān nà wà bè:

Gbē kè wèe à yā ońne yāroonɔ wée é kē,
gbē kè aõe à baaru ma yāroonɔ é d̀ro d̀.

²² Yā kè ègõ kpaa ma mɔna a kiiane g̀en baaagõn gwe.

²³ À kà wè ùgbangba kè mèègõ yezi mà mó a gwa. Tia sa lán yākee e gõme b̀su kèkiinɔ guu d̀ro nà,

²⁴ má tāmaa vĩ wà wée sikõle sa ma gana Sapaini b̀sun guu. Tó ma gurɔplaa k̀ao kōn ponnaao, é zé keme gana gwe.

²⁵ Tia la mée gaa kōn d̀nleɔ Luda gbēnɔne Yerusalemu,

²⁶ zaake gbē kè aõ kú Masedonia kōn Girisinɔ zèo wà Luda gbē takaasidee kè aõ kú Yerusalemunɔ kámasa ke.

²⁷ Aõ zèo, m̀de tiasime, zaake lán Yudanɔ Luda auziki li bori pāndenɔzi nà, à maa bori pāndenɔ ǹ anduna auziki li Yudanɔzi se.

28 Tó ma gbaa pì nàñne ñ ɔzĩ ma yãa, ma gana Sapaini guu mé bɔe a kiia.

29 Má dɔ kè tó mé mɔ a kiia, mé móare Kirisi aubarikao papaname.

30 Ma gbẽno, ma naare wa Dii Yesu Kirisizi kɔn yenzi kè Luda Nini è kpámmao, à fɛɛ à ze à Luda wée kɛmao,

31 ɛ à ma bɔ Yudea Yesusaideeno ɔzĩ, ɛ zĩ kè mé kɛ Yerusalemu Luda gbẽno té keñne nna,

32 gbasa mà a le kɔn pɔnnao, tó Ludaa wè, mé mɔ kámma bo a kiia.

33 Luda Aafiade gɔ kúao a píngi. Aami!

16

Ìkpammana

1 Mée wa dāre Febe, Kenkɛɛa sɔsi dɔnlɛri naaare a ɔzĩ.

2 À à sí Dii guu, lán à maa Luda gbẽno kɛ kɔo nà. À dɔàle kɔn pɔ kè à yezi a kiiao píngi, zaake à dò gbẽnole pari kɔn mapio se.

3 À à kpá Pisisila kɔn Akilaoa. Ma zĩkɛri daanome Kirisi Yesu zĩ guu.

4 Aɔ sì wà ñ zĩnda da kari guu ma yānzi. Èe kɛ mámbe madoro, bori pānde sɔsinɔ gbẽno e ñ sáabu kpaa píngi dɔ.

5 À à kpá sɔsi gbẽ kè aɔègɔ kɔ kaakɔa aɔ bɛe guunɔa.

À à kpá ma gbẽ yenzide Epenɛtua, àmo kè à Kirisi náane kè Asia bɔsun káaku.

6 À à kpá Mariamaa, àmo kè zĩ kèare maamaa.

7 À à kpá Andarɔnikua kɔn Yuniao. Ma bori daa kè wà wa da kpésiaan lɛdoonome. Aɔ tó bɔ Luda zĩrinɔ té bensɔ aɔ kú Kirisi guu ma ã.

8 À ì kpá Ampliatu kè de ma gbě yenzidee ũ Dii guua.

9 À ì kpá Ubanu kè de wa zĩkeri daa ũ Kirisi zĩ guua kōn ma gbě yenzide Satakio.

10 À ì kpá Apεε kè à zena gbāa Kirisi guua.

À ì kpá Arisitɔbulu bεdeenɔa.

11 À ì kpá ma Yuda daa Herɔdiša.

À ì kpá Nasisu bεdee kè aɔ kú Dii guunɔa.

12 À ì kpá Tirifenaa kōn Tirifosao. Nɔgbě pìnɔ è zĩ ke Diine maamaa.

À ì kpá Pesia. Nɔgbě yenzidee pì zĩ kè Diine maamaa.

13 À ì kpá Rufu kè bò ado Dii zĩ guua kōn à da kè mée gwaa ma da ũuo.

14 À ì kpá Asinkiritua kōn Flegɔ kōn Emesio kōn Patarobao kōn Emasio kōn n Yesude daa kè aɔ kú ledoonɔ n pīgi.

15 À ì kpá Filɔgua kōn Yuliao kōn Nereuo kōn à dāreo kōn Olimpao kōn Luda gbě kè aɔ kú ledoonɔ n pīgi.

16 À ì kpákɔa kōn Luda gběnɔ lépemmaɔ. Kirisi sɔsinɔ ì kpàawa n pīgi.

Lézamma

17 Ma gběnɔ, mée ooare à làakari ke gbě kè aɔ bò yā kè á dàda kpεenɔzi. Aɔè gběnɔ kēkɔa wà gběnɔ sāsā. À kēm̄ma,

18 zaake gbě beee takanɔ è do wa Dii Kirisiziro, sé n gbεε yā. Aɔè taarisaideenɔ sāsā kōn lénnaao kōn yādɔɔ.

19 Baade pīgi a mìsiɛna Diine baaru mà. Mée pɔnnaa keε a yā musu. Má yezi àgɔ à maa ɔndɔ vī àgɔ taarisaideenɔ ũ à zaaa musu.

²⁰ Luda Aafiade é Setãn dúgu zõ a gbá gĩĩ tia. Wa Dii Yesu gbẽkεε keare.

²¹ Ma zĩkεri daa Timoti kõn ma bori daano Lusiu kõn Yasõo kõn Sosipatao ì kpàawa.

²² Mamoma Tetiu kè ma takada kè kè ì kpàawa Dii guu.

²³⁻²⁴ Ma bεdee Gayusi kè sɔsi gbẽnɔ è kakõa à bεε ì kpàawa. Wéte ɔ'uteri Erasatu ì kpàawa kõn wa gbẽndo Kaatuo.

Luda t̃b̃na

²⁵ Tia sa Luda é f̃ à a gba gbãa kõn Yesu Kirisi baaru nnaa kè mée kpaaɔ, lán asiyyã kè utena zaa tontori kè wà biameεo de nà.

²⁶ Luda kè ègõ kuu gurɔ píngi dìe wà yã kè kēna annabinɔ takadanɔ guu pì bɔ gupuraa sa, le bori píngi e à d̃õ ãõ Luda náane ke ãõ g̃õ à yāmarinɔ ũ.

²⁷ Wà Luda mèn do ãndõde tó bɔ Yesu Kirisi gāzĩ ai gurɔ píngi! Aami.

Luda yá takada kǝn Bokobaru yǎo
The New Testament and portions of the Old Testament
in the Bokobaru language of Nigeria

copyright © 2005 SIM International

Language: Bokobaru

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-22

PDF generated using Haiola and XeLaTeX on 18 Apr 2025 from source files dated 31 Aug 2023

c31548a1-5316-53c2-be42-674e0e4c5ae5